

**L**ucas filius natione antiochensis. arte medicus. discipulus apostolorum. postea pauli secutus usque ad conversionem eius. seruans domino sine crimine: nam neque uxorem unquam habuit neque filios: septuaginta et quatuor annorum obiit in bithynia. plenus spiritu sancto. Qui cum iam scripta essent euangelia. per mattheum quidem in iudea. per marcum autem in italia. sancto instigante spiritu in achate pariter hoc scripsit euangelium: significans etiam ipse in principio ante suum alia esse descripta. Cuius cetera ea quae ordo euangelice dispositionis reposuit. ra maxime necessitas laboris fuit: ut primum grecis fidelibus omni prophetatione venturi in carne dei christi manifestata humanitate ne iudaicis fabulis attentis: in solo legis desiderio teneretur: uel ne hereticis fabulis et studiis sollicitationibus seducti reciderent a ueritate elaboraret: de hinc ut in principio euangelij iohannis natiuitate presumppta. cui euangelium scriberet et in quo electus scriberet indicaret: correctas se complere esse. quod essent ab alijs inchoata. Cui ideo post baptismum filij dei a perfectione generationis iusto implere. repente a principio natiuitatis humane potestas promissa est: ut requirerentibus demonstraret in quo apprehenderetur per nathan filium dauid introitu reuerentis in deum generationis ad missio. indispabilis dei predictas in hominibus christum suum. perfecti opus hominis redire in se per fidem faceret: qui per dauid patrem uenientibus iter prebaret in christo. Cui luce non immerito etiam scribedorum aduui apostolorum potestas in ministerio datur: ut deo in deum pleno et filio perfectionis regnante. oratione ab apostolis

facta. sorte domini electionis numerus compleretur: sicque paulus summatione apostolicis actibus daret. quod diuinitas simul recalescente deus elegisset. Quod et legentibus ac requirentibus deum. et si per singula repederet a nobis uile fuerat: sciens tamen quod operam agricolam oporteat de suis fructibus edere. uitauimus publicam curiositatem: ne non tam uolentibus deum demonstrare uideretur. quam fastidientibus prodidisse. *Exultat prefatio. Incipit euangelium secundum lucam. prohemium ipsius tractatus lucam euangelium suum.*

**Q**uoniam quidem multi conari sunt ordinare narrationes quae in nobis complere sunt rebus. sicut tradiderunt nobis quod ab initio ipsi uiderunt. et ministri fuerunt sermonis: uisum est et michi assensum omnia a principio diligenter et ordine tibi scribere opus theophile: ut cognoscas eorum ueritatem de quibus edidit ueritatem.

**U**ir in diebus herodis regis iudee sacerdos quidam nomine zacharias de uice abia. et uxor illi de filiabus aaron: et nomen eius elizabeth. Erant autem iusti ambo ante deum: intendentes in omnibus mandatis et iustificationibus domini sine querela. Et non erat illis filius: eo quod esset elizabeth sterilis: et ambo procreassent in diebus suis. Factum est autem cum sacerdos fungeretur zacharias in ordine uicis sue ante deum: secundum consuetudinem sacerdotum sorte egerit ut incensum poneret ingressus in templum domini. Et omnis multitudo populi erat orans foris hora incensi. Apparuit autem illi angelus domini: stans a dextris altaris

incensi. Et zacharias turbatus est uidentis: et timor intravit super eum. At autem ad illum angelus. Ne timeas zacharia: quoniam exaudita est deprecatio tua. Et uxor tua elizabeth pariet tibi filium: et uocabis nomen eius iohannem: et erit gaudium tibi et exultatio: et multi in natiuitate eius gaudebunt. Erit enim magnus coram domino: et uinum et siceram non bibet. Et spiritu sancto replebitur: adhuc ex utero matris sue: et multos filiorum israel conuertet ad dominum deum ipsorum. Et ipse praecedet ante ipsum in spiritu et uirtute isae: ut conuertat corda patrum in filios: et incredibiles ad prudentiam iherosolymitanorum: parere domino plebs perfecta. Et dixit zacharias ad angelum. Unde hoc scias? Ego enim sum senex: et uxor mea percessit in diebus suis. Et respondens angelus dixit ei. Ego sum gabriel qui sto ante deum: et missus sum loqui ad te: et haec tibi euangelizare. Et ecce eris tacens et non poteris loqui usque in diem quo haec fuerint: pro eo quod non credidisti uerbis meis: quae implebuntur in tempore suo. Et erat plebs repedans zachariam: et mirabatur quod tardaret ipse in templo. Egrediens autem non poterat loqui ad illos. Et cognouerunt quod uisionem uideret in templo. Et ipse erat immotus illis: et permansit mutus. Et factum est ut impleti sunt dies officij eius: abiit in domum suam. Post hos autem dies concepit elizabeth uxor eius: et occultabat se mensibus quinque dicens. Quia sic fecit michi dominus: in diebus quibus respexit aui ferre obprobrium meum inter homines. In mense autem sexto missus est angelus gabriel a deo in ciuitatem galilee cui nomen nazareth. ad virginem desponsatam uiro cui nomen erat ioseph: de domo dauid: et nomen virginis maria.

Et ingressus angelus ad eam dixit. Ave gratia plena: dominus tecum: benedicta tu in mulieribus. Que cum audisset turbata est in sermone eius: et cogitabat qualis esset ista saluatio. Et ait angelus ei. Ne timeas maria: inuenisti enim gratiam apud deum. Ecce concipies in utero et paries filium: et uocabis nomen eius iesum. Hic erit magnus: et filius altissimi uocabitur. Et dabit illi dominus deus sedem dauid patris eius: et regnabit in domo iacob in eternum: et regni eius non erit finis. Dixit autem maria ad angelum. Quomodo fiet istud: quoniam uirum non cognosco? Et respondens angelus dixit ei. Spiritus sanctus superueniet in te: et uirtus altissimi obumbrabit tibi. Ideoque et quod nascetur ex te sanctum: uocabitur filius dei. Et ecce elizabeth cognata tua: et ipsa concepit filium in senectute sua. Et hic mensis est sextus illi qui uocatur sterilis. Quia non erit impossibile apud deum omne uerbum. Dixit autem maria. Ecce ancilla domini: fiat michi secundum uerbum tuum. Et discessit ab illa angelus. Resurgens autem maria in diebus illis abiit in montana cum festinatione in ciuitatem iudaee: et intrauit in domum zacharie: et salutauit elizabeth. Et factum est ut audiuisset salutationem marie elizabeth: exultauit infans in utero eius. Et repleta est spiritu sancto elizabeth: et edamauit uocem magnam et dixit. Benedicta tu inter mulieres: et benedictus fructus uentris tui. Et unde hoc michi: ut ueniat mater domini mei ad me? Ecce enim ut facta est uox salutationis tue in auribus meis: exultauit in gaudio infans in utero meo. Et beata que credidit: quoniam perficietur ea quod dicta sunt ei a domino. Et ait maria. Magnificat anima mea dominum: et exultauit spiritus meus in